

Den Bida...!

Den bida ruman, den bida

Duna mi balor ora mi ta na bida y
no warda bo aprecio y stimacion pa ora mi muri.
Pasobra e ora ey bo balor ya lo no tin ningun sentido.
Duna mi un minuut di bo tempo ora mi ta hala rosea,
pasobra na bida e momentonan comparti cu bo ta sagrado.
Ora mi muri mi no mester mas di bo tempo.

Duna mi un poco di bo atencion ora cu mi ta na bida.
No warda pa mi muri pa bo corda riba mi existencia.
Ofrece mi palabranan di elogio ora mi forma parti di bida,
pasobra ora mi muri mi no mester di un serenata.

Aprécia mi tur dia di mi bida y no na mi morto.
Lo mi no sinti bo atencion ora mi ta dera den tera.
Mi ta prefera pa bo duna mi un man ora mi ta na bida,
y no pa carga mi culpa sin alma pa hiba mi santana.
Entrega mi un palabra di ternura pa mi por sinti bo amor,
y no un discurso emocionante despues di mi ultimo rosea,
lo mi no tin oido pa scucha tur esaki drumi den mi cah'i
morto.

Mi ta desea bo amor ora mi ta na bida,
y no warda bo sentimiento pa ora mi ta morto.
Mustra mi e caminda cu mi tin di scoge na bida,
despues cu mi muri, mi no lo por tuma un ruta mas.
Na bida mi kier laga bo hari cu mi presencia,
Y, por fabor, no yora mi morto si bo no tin tristesa.
Mi por consola bo alma na pena, ora nos ta hunto,
pero ora mi muri, mi no por seca bo lagrimanan.
Laga mi ta parti di bo bida yena cu alegría, na bida,
y no ora mi curason no ta bati mas cu pasion.

Brasa mi ora mi ta hala rosea yen di energia,
Ora mi muri, mi culpa sin alma no por sinti bo ternura,
Papia cu mi ora mi por scucha e melodia di bo palabranan,
Ora mi luz paga, mi horeanan ta tende solamente e silencio.

Laga mi soña di un bida largo ora mi ta bibo,
ora mi muri mi no lo lanta mas for di mi soño eterno.
Despues cu mi fayece, mi bida ta bira un ilusion sin futuro,
P'esey regala mi un presente yena cu realidad, ora mi ta na
bida.

Ora mi muri, warda mi recuerdonan den bo pensamiento,
pa asina mi por permanece un tiki mas den bo memoria.

Conta mi bo berdad awo cu mi ta na bida,
pa mi sa ken ta stima mi hasta despues di mi morto.
Por fabor, recorda mi pa semper,
Pero lubida mi si bo no ta aprecia mi.
Pordona mi si mi a haci algun malo na bida,
ora mi muri ta Dios so por pordona mi.

Laga mi biba cu speransa, si bo kier laga mi muri cu alegría.
Pero haci esaki mustRANDO 'mi bo amor ora cu mi ta na bida.

Nada tin balor ora cu mi cera mi wowonan pa semper,
Aprécia mi talento ora cu mi por ricibi aplauso.
Corda mi existencia cu e alegría cu mi a brinda,
y no drama un gota di lagrima sin emocion ora cu mi muri.
Si acaso bo no tin niun recuerdo valioso di mi persona,
bo alma lo no por ta na luto pa causa di mi morto.

Bo tristesa lo ta djijs un tragedia improvisa,
un teatro sin publico y sin luz, un escenario sin contenido.

Duna mi bo apoyo ora mi por gosa di dje,
pero no keda yora mi si bo no a soporta mi na bida,
lo bo stroba mi despedida di e bida pa un mundo di paz y
trankilidad.

Si bo a stima mi ora mi ta na bida,
mi lo mira bo for di cielo, mi lo sigui guia bo pasonan,
mi lo keda biba den bo soñonan,
mi lo consola bo ora bo ta yora.

Y mi lo cuida bo pa semper manera un angel wardado.
Mi lo pidi Dios pa duna bo paz y consuelo.

Mi ta hura bo cu semper mi lo ta cerca di bo,
mi lo keda stima bo y mi lo keda biba den bo curason.

Duna mi bida ora mi ta na bida,
Ora mi muri tur e bida ta sali for di mi culpa,
Mi alma lo bialha pa un miho bida den cielo.
Ora mi muri yora mi cu tur bo sinceridad y
yora di e emocion cu bo ta sinti di mi despedida....!

Inspira den bida y obra di sr. Vale Croes. (dfin)
Autor: Jhon Freddy T. Montoya.
correccion y adaptacion sr. Joe Fortin.



Programa homenahe postomo na Rodolfo Valentino "Vale" Croes

**ORANJESTAD- E actividad ta tuma
luga awe 11 di april 2015, na Cas di
Cultura Aruba cuminsando di 10'or di
mainta y ta termina pa 4'or di atardi**

8.45 – 9.00 Salida di cortejo funebre for di
Ad Patres San Nicolas direccion cas di su
mayornan na Pos Chikito sigui

9.00 – 9.30
Rumbo pa Caya Frère Laurentius, Santa
Helena caminda Vale a biba te na ultimo
momento di su bida y sigui

9.30 – 9.45
Rumbo pa edificio di Departamento di Cul-
tura bieu, banda di Misa
San Fransisco, caminda Vale a traha te ul-
timo prome cu el a baha cu pensioen

10.00 – 10.05
Yegada di cortejo funebre hunto cu famia y
amistadnan na Cas di Cultura ricibi pa caha
di orgel "Nos Cultura" di señor Nelson
Sprok

10.05 – 10.10
Himno di Aruba interpreta
pa Zulaika Geerman

10.10 – 10.30
Presentacion di The Steel Edition, bao di-
reccion di señor Benito Gomes

10.30 – 11.00
Presentacion di Rondaya Universal Arubano

11.00 – 11.05
Declamacion di un poesia door di nos Poeta
Arubano señora Ruthy
Vrieswijk-Bergen

11.05 – 11.30
Presentacion di grupo musical di señor Doe-
del Sophia cu lo compañía señor Jossy Brokke

11.30 – 12.00
Presentacion di grupo di Tambu "Sodo y
Cuerro"

12.00 – 12.30
Presentacion di solistanan di Coro Arsnova
acompañá pa señor Fransisco Kock y señora
Mayra Kock-Garrido

12.30 – 12.35
Declamacion di un poesia di nos Poeta Aru-
bano señora Omaira
Rodriguez-Britten

12.35 – 13.00
Presentacion di Banda BADU acompañando
señor Querino Ras y Roy Olive

13.00 – 13.30
Presentacion di Obra Teatral "E ultimo

elenco di Vale" y discurso di
señora Fatme Rigaud

13.30 – 14.00
Presentacion di slide di "Mighty Sparrow"
sigui pa un discurso di señor Jubi Naar
Presentacion di varios cantante presentando
cancionnan di "Mighty Sparrow"

14.00 – 14.30
Presentacion di Mariachi Perla di Aruba

14.30 – 14.35
Discurso di señor Frank Croes den nomber di
pueblo cultural di Aruba y como ex- colega di
Departamento di Cultura Aruba

14.35 – 15.00
Presentacion di Grupo Cakiña cu un presen-
tacion di Janiro Eidsen

15.00 – 15.10
Discurso di S.E. Minister di Cultura, señor
Otmar Oduber, den nomber di Gobierno di
Aruba

15.10 – 15.30
Presentacion Teatral b.d.d. Jhon Freddy
Montoya titula: "DEN BIDA" presenta [Grup-
o Teatral Experimental Aruba cu artistanan
invita

15.30 – 15.35
Declamacion di Poeta Arubano Yacari Gabriel
cu un dedicacion di un poesia di señor Frank-
lin Dijkhoff

15.35 – 15.40
Discurso di Director di Departamento di
Cultura Aruba, señor Siegfried Dumfries

15.40 – 15.55
Discurso di Señora Nathaly Kooyman y Tony
Halabi di e delegacion di Corsou

15.55 – 16.30
Presentacion di señor Juan Tromp, un bon
amigo di Vale, y señor Jack Tromp cu lo de-
leita nos cu cuater cancion preferi di Vale: #1
Tog mi sa;
#2 Como Fue; #3 Mi Viejo y un dedicacion
di su yiu, Joanna, na su Tata,
#4 Grandi bo ta

CORTINA CORA LO DAL CERA Y E
SHOW DI "DON VALE A NEK TUR
HENDE" TA TERMINA

Den e foyer Mariachi Perla di Aruba ta cum-
insa toca "Las Golondrinas"

Na Santana di Sabana Basora, Grupo Rincon
Boys lo duna Vale su ultimo tributo

Cu nos Kerido Rodolfo Valentino "Vale"
Croes sosega na paz